



# Grænt bókhald 2008




## Efnisyfirlit

Efnisyfirlit.....	2
Yfirlýsing stjórnar.....	3
Staðfesting endurskoðanda græns bókhalds .....	4
Almennar upplýsingar .....	5
Vinnsluferli starfseminnar .....	6
Starfsleyfi.....	6
Stjórn fyrirtækisins .....	6
Umhverfisstefna .....	6
Lykiltölur um umhverfismál. Hráefnis og auðlindanotkun.....	7
Orkunotkun .....	7
Eldsneytisnotkun .....	7




## Yfirlýsing stjórnar

Stjórn Íslenska Gámafélagsins staðfestir hér með þær upplýsingar sem settar eru fram í grænu bókhaldi fyrirtækisins fyrir árið 2008.




---

Óskar Eyjólfsson – stjórnarformaður



---

Jón Þórir Frantzson - meðstjórnandi og forstjóri



---


Einar Guttormsson

## Staðfesting endurskoðanda græns bókhalds

Ég hef endurskoðað tölulegar upplýsingar í skýrslu um grænt bókhald fyrir starfsemi Íslenska Gámafélagsins ehf. árið 2008.

Endurskoðunin felur í sér úrtakskannanir og athuganir á gögnum til að sannreyna tölulegar upplýsingarnar sem koma fram í græna bókhaldinu. Ég tel að endurskoðunin sé nægjanlega traustur grunnur til að byggja álit okkar á.

Það er álit mitt að skýrsla Íslenska Gámafélagsins ehf. sé gerð í samræmi við lög og reglugerðir um grænt bókhald og að tölulegar upplýsingar séu í samræmi við þær aðferðir sem þar er gerð grein fyrir.



---

Elfa Dögg Þórðardóttir  
Umhverfisfræðingur.

## Almennar upplýsingar

Íslenska gámafélagið ehf. var stofnað 1999. Tilgangurinn með stofnun fyrirtækisins var að auka samkeppni á því sviði atvinnulífsins sem snýr að sorphirðu. Fyrirtækið hefur í dag yfir að ráða fjölda járngráma og plastkara sem eru leigð fyrirtækjum, stofnunum og einstaklingum.

Íslenska Gámafélagið er með höfuðstöðvar í Gufunesi í Reykjavík en er einnig með starfsstöðvar í Árborg, Hveragerði, Reykjanesbæ, Akureyri, Reyðarfirði og víðar. Auk þess rekur fyrirtækið móttökustöð fyrir sorp í Stykkishólmi, þar sem það sér einnig um alla almenna sorphirðu. Fyrirtækið sér um að þjónusta flestar móttökustöðvar Sorpu, ásamt því að þjónusta fjölda annarra fyrirtækja. Á einstaklingsmarkaði þjónustar Íslenska Gámafélagið mikinn fjölda heimila á Íslandi. Fyrirtækið sér m.a. um sorplosun frá heimilum og fyrirtækjum í Kópavogi, Garðabæ, Mosfellsbæ, Seltjarnarnesi, Reykjanesbæ, Grindavík, Sandgerði, Höfnum, Garði, Vogum, Árborg, Gnúpverjahreppi, Hraungerðishreppi, Gaulverjabæjarhreppi, Villingaholtshreppi, Hveragerði, Vestmannaeyjum, Fjarðarbyggð, Eyjafjarðarsveit, Grundarfirði og Stykkishólmi.



Íslenska Gámafélagið býður upp á heildarlausn á sviði flestrar umhverfisþjónustu sem spannar alla þætti almennrar sorphirðu, flokkun og útflutning sorps til endurvinnslu og ráðgjöf, á sviði flokkunar og endurvinnslu, til fyrirtækja og einstaklinga. Auk þess býður fyrirtækið upp á vinnuvélaflutninga, götusópun og leigu á vinnuskúrum og þurrsalernum.

Mikill vöxtur varð í starfsemi fyrirtækisins á árinu 2008 sem leiddi af sér aukna notkun á bifreiðum og öðrum tækjum. Til að sporna við neikvæðum umhverfisáhrifum sem stafa af útblæstri hefur Íslenska Gámafélagið einsett sér að auka fjölda metanbíla sem eru í notkun hjá fyrirtækinu en í lok ársins voru sjö slíkir bílar komnir í umferð hjá fyrirtækinu.

Vélamiðstöðin ehf. er sjálfstætt einkahlutafélag í eigu Íslenska Gámafélagsins og sér m.a. um viðgerðir og viðhald ökutækja fyrirtækisins. Það hefur sérhæft sig í rekstri og viðgerðum á umhverfisvænum ökutækjum og á nú þegar margar tegundir af metangasbifreiðum allt frá litlum fólksbifreiðum til stærstu gerðar af sorpbifreiðum sem m.a. eru leigðir út til Reykjavíkurborgar, Íslenska Gámafélagsins og annarra fyrirtækja.

Á árinu hóf Íslenska Gámafélagið innleiðingu umhverfisstjórnunarkerfis samkvæmt ISO 14001. Með því ætlar fyrirtækið að ná betri yfirsýn yfir þá þætti í rekstri fyrirtækisins sem snúa að umhverfinu og draga þannig úr notkun efna sem valda neikvæðum umhverfisþáttum.

Á árinu hóf Íslenska Gámafélagið innleiðingu umhverfisviðurkenningu umhverfisráðuneytisins, fyrir árið 2008. Viðurkenninguna hlaut fyrirtækið fyrir innleiðingu þriggja tunnu kerfis í sveitarfélögum og einnig fyrir breytingu á bensín bifreiðum yfir bifreiðar sem einnig geta gengið fyrir metani.

Íslenska Gámafélagið hlaut Kuðunginn, umhverfisviðurkenningu umhverfisráðuneytisins, fyrir árið 2008. Viðurkenninguna hlaut fyrirtækið fyrir innleiðingu þriggja tunnu kerfis í sveitarfélögum og einnig fyrir breytingu á bensín bifreiðum yfir bifreiðar sem einnig geta gengið fyrir metani.

## Vinnsluferli starfseminnar

Starfsemi Íslenska Gámafélagsins byggist að mestu leyti á sorphirðu hjá fyrirtækjum og heimilum á höfuðborgarsvæðinu og víðar. Gámabílar, eða aðrar tegundir sorphirðubíla, sækja sorpið á viðkomandi staði, keyra með það í flokkunarstöð fyrirtækisins. Þar er tekið við sorpinu, það flokkað og að lokum sent á aðra staði, ýmist til fyrirtækja sem sjá um endurvinnslu, (t.d. Sorpa, Hringrás og Fura) eða til urðunar hjá Sorpu. Árið 2007 hóf Íslenska Gámafélagið útflutning á ýmsum endurvinnanlegum úrgangi s.s. pappa, dagblöðum og skrifstofupappír.

Það sem ekki kemur í flokkunarstöð fyrirtækisins eru spilliefni sem send eru í Efnamóttökuna og sóttmengaður úrgangur er sendur til brennslu í Kólku á Suðurnesjum. Heimilissorp og innihald gáma sem keyrðir eru frá gámaplönnum Sorpu er losað í móttökustöð Sorpu í Gufunesi.

## Starfsleyfi

Íslenska Gámafélagið fellur undir fyrirtækjaflokkinn 5.1 – Stöðvar fyrir meðhöndlun, förgun eða endurnýtingu spilliefna, samkvæmt fylgiskjali með reglugerð nr. 851/2002, um grænt bókhald. Starfsleyfi fyrir spilliefnamóttöku var gefið út af Umhverfisstofnun 16. nóvember 2005 og gildir til 1. nóvember 2017.

Einnig hefur fyrirtækið leyfi til að starfrækja flokkun á sorpi, en það leyfi var gefið út af Umhverfissviði Reykjavíkurborgar þann 8. nóvember 2005 og gildir til 8. nóvember 2013. Leyfi til að starfrækja sorphirðu- og flutningafyrirtæki var gefið út af Heilbrigðiseftirliti Reykjavíkur þann 28. ágúst 2001 og gildir til 28. ágúst 2009.

## Stjórn fyrirtækisins

Stjórn Íslenska Gámafélagsins skipa :  
Óskar Eyjólfsson - stjórnarformaður  
Jón Þórir Frantzson - meðstjórnandi og forstjóri  
Einar Guttormsson og Enok Jón Kjartansson - varamenn.

## Umhverfisstefna

Starfsemi Íslenska Gámafélagsins getur haft neikvæð áhrif á umhverfið og er háð lögum og reglugerðum umhverfismála. Íslenska Gámafélagið er meðvitað um áhrif starfseminnar á umhverfið. Það er því keppikefli fyrirtækisins að lágmarka neikvæð áhrif á umhverfið með stjórnun á umhverfisþáttum innan fyrirtækisins.

Markmið Íslenska Gámafélagsins er að endurskoða umhverfisstefnu fyrirtækisins reglulega og vinna að stöðugum umbótum á umhverfisstjórnunarkerfi fyrirtækisins og framkvæmd umhverfismála.

Stuðlað verður að lágmarkun umhverfisáhrifa með:

- Vöktun umhverfisþátta í starfsemi fyrirtækisins.



- Flokka og lágmarka úrgang sem fellur til hjá fyrirtækinu.
- Draga úr mengandi útblæstri frá bílum fyrirtækisins.
- Stuðla að sjálfbærri þróun með minni notkun hráefna, endurnýtingu og endurnotkun.
- Velja birgja með tilliti til frammistöðu þeirra í umhverfismálum, svo framarlega sem verð og gæði leyfa.
- Haga starfsemi fyrirtækisins í samræmi við gildandi lög og reglur um umhverfismál og fylgjast með breytingum á lögum og reglugerðum.
- Auka umhverfisvitund starfsmanna með fræðslu og þjálfun og hvetja starfsmenn til að framkvæma verk sín á umhverfisvænan hátt.
- Fylgjast með orkunotkun og leita leiða til að draga úr og nýta orkuna á sem hagkvæmastan hátt.

## Lykiltölur um umhverfismál. Hráefnis og auðlindanotkun

Íslenska Gámafélagið hefur hingað til ekki nýtt sér leyfi til móttöku og meðhöndlun spilliefna. Öll spilliefni sem fyrirtækið sækir til viðskiptavina sinna, eru send til meðhöndlunar hjá Endurvinnslunni.

### Orkunotkun

Orkunotkun 2008	
Rafmagn (kWst)	544.009
Kalt vatn (m <sup>3</sup> )	28.520
Heitt vatn (m <sup>3</sup> )	75.532

### Eldsneytisnotkun

Eftirfarandi tafla sýnir heildarnotkun eldsneytis hjá Íslenska Gámafélaginu árið 2008.

Tegund eldsneytis	Magn
Bensín 95 okt (L)	56.324
Díselolía (L)	1.214.636
Díselolía lituð (L)	193.884
Metan (m <sup>3</sup> )	24.706

